

docriver 文川网  
古籍书城  
入驻商家  
获取更多电子书  
在文川网搜索古籍书城

中國方志叢書·華中地方·第二〇一號

據

清·儲家藻修，徐致靖纂  
清光緒二十五年刊本


影印

浙江省

# 上虞縣志校續

skb368

成文出版社有限公司印行



中國方志叢書·華中地方·第二〇一號

據

清·儲家藻修，徐致靖纂  
清光緒二十五年刊本


影印

浙江省

# 上虞縣志校續

skb368

成文出版社有限公司印行



\*10101458\*

9946

中國方志叢書·華中地方·第二〇一號

據

清·儲家藻修，徐致靖纂  
清光緒二十五年刊本

影印

浙江省

# 上虞縣志校續

8912175

成文出版社有限公司印行



947



docsriver 文川网  
入驻商家 古籍书城

在文川网搜索古籍书城 获取更多电子书

中國方志叢書·華中地方·第二〇一號

據

清·儲家藻修，徐致靖纂  
清光緒二十五年刊本


影印

浙江省

# 上虞縣志校續

sk12368

成文出版社有限公司印行



中國方志叢書·華中地方·第二〇一號

據

清·儲家藻修，徐致靖纂  
清光緒二十五年刊本


影印

浙江省

# 上虞縣志校續

5123/08

成文出版社有限公司印行



\*10101461\*

1935

中國方志叢書·華中地方·第二〇一號

據

清·儲家藻修，徐致靖纂  
清光緒二十五年刊本

影印

浙江省

# 上虞縣志校續

SKP23/08

成文出版社有限公司印行



\*10101462\*

9940

中國方志叢書·華中地方·第二〇一號

據

清·儲家藻修，徐致靖纂  
清光緒二十五年刊本

影印

浙江省

# 上虞縣志校續

89/53/68

成文出版社有限公司印行





中國方志叢書·華中地方·第二〇一號

據

清·儲家藻修，徐致靖纂  
清光緒二十五年刊本



影印

浙江省

# 上虞縣志校續

89.5.1975

成文出版社有限公司印行



中國方志叢書·華中地方·第二〇一號

據

清·儲家藻修，徐致靖纂  
清光緒二十五年刊本

影印

浙江省

# 上虞縣志校續

80/5/23/02

成文出版社有限公司印行



\*10101465\*

19953

上虞縣志校續卷五

列傳一 名宦 後附事略

度尚 漢

顧雍

劉綱

華敷 以上三國

顏含

傅璠

周騰舉

徐祚之

王隨之

鎮之以上晉

卞延之

周洽

以上南北朝

金堯恭

崔協

以上唐

王存

陳休錫

趙不搖

葉顛

元泳

陳炳

漢

汪大定

樓杓

蓋溥

江公亮

婁寅亮

沈煥

以上宋

馬思忽

佛家奴

王璘

阮維貞

張屋

智紹先

李孝義 于嗣宗 張叔温 林希元

李睿 韓諫 趙元齡 陳子翬以上元

趙允文 馬駙胡敏 楊奐 鄭汝敬 蕭宏

陳祥 汪度 楊紹芳 鄭芸

陳大賓 熊潢 羅尙德 李邦義

謝良琦 胡思伸 徐待聘 李拯

余颺 蕭與成 濮陽傳 馬慶

楊麟 温汝舟 丁汝驥 彭英

金九皋以上明 劉方至 鄭僑 張殿

張逢堯

施繩武

崔鳴玉

李宗傳

錢東垣

周鏞

楊溯伊

徐廷鑾

夏禹源

龍澤澔

孫欽若

張致高

劉書田

胡堯戴

曹燮

漢

度尚字博平山陽湖陸人拜郎中元嘉元年除上虞長爲政嚴峻發摘姦非吏民謂之神明門下書佐朱雋有不凡操持難述之薦於太守尹端爲主簿雋後官至車騎將軍遠近奇尚有知人之鑒先是漢安二年孝女曹娥投江求

父屍鄉人瘞江邊莫之有表尚設祭誅之改葬娥於江南  
道傍立廟使外甥郭嘉爲碑文以彰孝烈故洛陽市長  
道子翼學問淵深志節高尚隱於田里尚晨往候其門匿  
不出見主簿白還不聽停車待之躡時乃得見尚禮極恭  
相與講道詢政乃退桓帝時擢荊州刺史歷桂陽遼東太  
守年五十卒記名宦  
據後漢書本傳正統萬曆志兼  
後漢列女傳曹娥碑水經注

三國吳

顧雍字元歎吳郡人從蔡邕學琴書弱冠州郡表薦爲合  
肥長由曲阿轉上虞有治績時孫權領會稽不之郡以雍

為丞行太守事討除寇賊郡界安靜入為右司馬據三國志吳書

本傳正統志李府志案元歎各志誤作元歎

劉綱字伯經下邳人初居四明山為上虞令政尚清潔比

歲禮聽民受其惠後無事白君受道功成昇仙於四明山

與妻俱有道術嘉泰志兼正統萬曆志○案舊列仙釋傳劉令虞且有善政應移此

華覈字永元吳郡武進人來尉虞邑以文學召入秘府孫

皓即位屢疏陳便宜累遷東觀令正統志據吳志今參李府志

晉

顏含字宏都舊志都誤作卿琅邪莘人少有操行以孝聞元帝過

上虞志卷之六

江以爲上虞令累除東陽吳郡太守所歷簡而有恩明而

能斷遷光祿勳晉書本傳

傳昉北地泥陽正統志有才思爲上虞令甚有政績卒

於司徒西曹屬晉書傳元傳萬歷志其弟敷解屬文官

虞刊誤案晉傳元子咸嗣咸有三子敷晞纂其弟遂家上

兄萬府志其孫隆家上虞爲會稽征寇參軍博學多

終戶部尚書

周鵬舉字垂天會稽人爲上虞令有惠政遷雁門太守及

去任全家溺漁浦湖民追思之祀以爲神萬歷府志○圖

門還會稽遊上虞驛亭東有漁浦湖乘白馬沈湖化去案  
正統志云是時南北既分東晉無雁門引圖經作漢周



學沈高注晉字或誤見重修遺  
德廟記是疑鷓舉為漢時人矣

徐詐之剡人為上虞令政教修舉士民咸得其所

南史兼三府志

○案正統志詐之傳列東晉誤又舊志有徐羨之傳宋書  
南史羨之傳並不言合虞且其人以弑逆見誅今從刪

王隨之琅邪臨沂人合虞有治績家於虞子鎮之字伯重

初為琅邪王衛軍行參軍由剡令上虞又令山陰並有能

名後為安成太守母憂去職在官清潔妻子無以自給乃

棄家致喪還上虞舊墓

宋書○正統志引南史本傳云以母老求補安成太守護喪還舊墓

案墓作

墓是

南北朝

正統系上之文實 卷二 名宦

docsriver 文川网  
入驻商家 古籍书城

在文川网搜索古籍书城 获取更多电子书

下延之濟陰冤句人弱冠為上虞令有剛氣會稽太守孟  
顛以令長裁之積不能容脫憤投地曰我所以屈卿者正  
為此憤耳今已投之卿矣卿以一世勳門而傲國士拂衣  
而去南史卞彬傳○案舊志有王晏傳沈奎刊誤發之是也今刪

周治汝南人歷上虞令廉約無私卒於都水使者無以殯  
殮吏人為買棺器南史循史傳兼正統志

唐

金堯恭寶曆二年令上虞於縣西北置任嶼湖與梨湖灌  
田二百餘頃興利除害民甚德之正統志萬應府志

崔協博陵人大中元年以戶曹攝上虞值歲大旱民賦無所出協請蠲於上不許遂傾家資代輸之及卒邑人立祠

祀之至今縣西六里有祠尚存祀名宦

嘉靖浙江通志三統志乾隆府志

舊志後知縣陳大賓建石坊表崔公祠有碑記

宋

王存字正仲潤州丹陽人慶歷六年登進士第調嘉興主

簿擢上虞合有豪姓殺人久莫敢問存按以州吏受賕豪

賂他官變其獄存反為罷去

宋史本傳

陳休錫建炎元年知虞事時湖多廢為田民訴於府諭使

者下其狀於縣休錫悉罷境內湖田使者以未得朝旨數  
窘之休錫不爲動是歲不登湖上虞得湖水之利大稔祀

名宦

萬曆府志

趙不搖紹興初合虞時縣治毀於兵亟事創建各得其宜  
夏蓋等湖漸廢爲田大妨水利不搖白於朝悉復爲湖民

至今受其利祀名宦

正統志萬曆府志

葉顒字子昂興化軍僊游人登紹興元年進士第甲戌知  
上虞縣凡繇役令民自推貨力甲乙不以付吏民欣然皆  
以實應催租各書其數使自持戶租至庭親視其入咸便

之帥曹泳令夏說先期送什之八斷請少紓其期泳怒及  
麥熟民輸反爲諸邑最泳喜許薦於朝固辭嘗慨士不趨  
學斥大庠舍勸掖備至乾道初拜尙書左僕射服食不改  
其舊卒謚正簡子元泳復令虞益田養士人稱濟美並祀

名宦

宋史本傳兼正統志萬曆府志

陳炳號退庵長樂人紹興中來知虞事居官務行所學德

及士民著有退庵文集十五卷校職台詞請與葉正簡並

祀於學尙書陳壇爲置田勑祠立石曾孫漢

正統志何傳下作元孫與

漢傳亦爲邑令有功於學配祀先賢

正統志兼萬曆志康熙志○浙江通志循

吏傳嘉興志圖記陳爾字宜之石門人令上虞有西溪湖廢爲田參政張綱嘗浚之刻石爲記歲久豪右復據夏旱民持刻石請復湖豪右撓阻爾不忍委棄三鄉民命卒浚復之百姓感爾前復湖張參政後復湖陳縣令與我衣食全我命後除提轄文思院卒案通志選舉志作乾道二年丙戌進士崇德人崇德卽石門與舊志不同嘉慶志職官表云一作崇德紹興中任似牽合爲說致有紹興乾道之殊今並存疑

汪大定字季應鄞人高熙中令上虞才敏慮周政務平易丞常錄縣事徑杖其吏或訴之大定謂本縣丞何不可撻汝遂更加懲治丞亦媿服時魏王薨於四明使者旁午上虞通明堰最高潮至輒回喪舟不克濟大定相視地形復與舊開培濬查湖開支港創小堰以通餘舟募二百人別

以旗色列左右俟大舟入閘卽引湖水灌之水溢堰平衆  
力挽行餘舟畢濟民用不擾使者稱不絕口  
萬歷府志兼  
朱樓鑰撰墓

樓杓鄞人

表作四明

上虞丞

子樓鑰有送杓孫  
隨侍上虞詩

嘉定十七

年來知縣事以學從政不苟目前凡可便於民者知無不

爲主義役法禁產戶詭挾除浮財役錢舉行鄉飲常補葺

學宮建明倫堂櫺星門又建豐惠德政二橋後倅臨安

志府志兼鄞縣志

袁燮豐惠橋記後知縣事益溥嘗置學產養士推爲賢

令配先賢祠

正統志



江公亮新定人元符庚辰進士政和間爲虞邑丞有廉聲

能文詞作縣治朱娥廟二記

正統志○案萬歷府志附見婁寅亮傳中稱後有丞江公

亮萬歷志作汪公亮謂時稱上虞二亮虞乘刊誤謂作記

在政和三年攷正統萬歷各志實作四年較寅亮上疏先

十六年應在婁前今

依正統志專傳列前

婁寅亮

正統志婁作樓

字陟明永嘉人政和二年進士爲上虞丞

有政聲建炎四年高宗至越上疏請育太祖諸孫爲嗣

畧云

先正有言太祖舍其子而立弟此天下之大公仁宗感悟

其說詔英宗入繼大統屬者椒寢未繁前星不耀臣欲乞

陛下於子行中選太祖諸孫有賢德者

帝覽疏感悟紹興

視秩親王以待皇嗣之生退處菑服

元年召赴行在擢監察御史秦檜惡之坐廢

宋史本傳

府志

沈煥 表依正統志作煥

字叔晦定海人乾道己丑進士第二授迪

功郎上虞縣尉居官三年砥礪名節無秋毫私增葺學舍  
訓導有法馭下嚴紀律毋得輒至鄉井不得已而遣期以  
某日某時反命無敢差訪求版籍得之胥吏家曰是政本  
也而此曹私之不謹防何以經久緝而藏諸庫榜曰經界  
而歸權於長約束堅明吏姦莫措邑人賴之調揚州教授  
旋除幹辦浙東安撫司公事歲旱常平使分擇官屬振卹  
得餘姚上虞二縣煥躬行阡陌撫詢戶口察顏色飾貌者

自退而飢民皆得食無復流殍後通判舒州卒追贈直華

文閣謚端憲祀名宦

本傳兼正統萬曆志○案絜齋集通判沈公行狀周必大撰墓志言行編

宋元學案鄭縣志鎮海縣志俱作上虞尉燭湖集附煥撰

孫介行狀亦自言尉上虞蒙齋集贈沈智甫序言煥尉上

虞張處士墓志石刻在乾道五年爾上虞縣尉沈煥書准

宋史本傳寶慶續志言授餘姚尉考行狀墓志先出當可

元

馬思忽至治朝

舊作至正中府志作至元據戴俞修學記更正

為虞邑達魯花赤

監政七年同僚尙嚴刻馬思忽濟之以寬民田有坍江者

糧額未除皆優使輪布邑不產茶鄰境以官采侵擾奏遏

之嘗奉檄獄他邑獄或持執政風旨使上下其手馬思忽

不聽枉直無所失邑人稱之正統志萬應府志

佛家奴府志作拏林葺自新昌再調斯邑至正壬辰之任

言無妄舉政無擅為民皆愛之正統志○案萬應府縣志

為益也政令不擾四境晏然

王璘字景文臨沂人至元末尹上虞舊作至正末據宏治府志戴俞修學記更

正時憲使相繼滋邑璘冰檠自守一意承宣刑不妄施獄

屢告空優老與學人皆德之正統志兼大德末阮惟貞來

尹虞字子貞金臺人政通人和興學校徹明倫堂而大之

正統

志

張屋字德修成都人

萬應府志作臨沂人

至治中尹虞廉潔無私請

託不行新學瞻士民田無籍差徭無據屋為籍以均賦役

嚴警私濫邑以治聞祀先賢之列

正統志參萬應志

智紹先字孝思蠡吾人後至元丙子來尹虞民病私鹽紹

先殫心規畫勸率大家助鹽本轉運有方官民便之鄰境

取法更創學校修公宇多所建立

正統志參萬應志

李孝義字致道保定人早應省院以堅正名至正壬午出

吏部主事出尹虞綽有政聲既除官政院都事人惜其去

為立去思碑於縣門左正統志○案正統志載會稽縣尹夏曰孜撰去思碑文作李侯好義

與備 稷同

于嗣宗字德元其先錢塘人至正初尹虞以慈惠稱嘗勸

民出粟為石堤捍海遺利甚遠正統志兼 萬曆志

張叔溫雲中人至正戊子尹虞能文章嘗令邑人獻上虞

舊志重輯萬曆志

林希元號長林子天台人康熙志作福 建人寓天台由翰林應奉出尹

虞在官廉介妻子恒有貧色希元處之泰如也白馬西溪

兩湖每為豪民所侵乃定墾田數湖始復舊旱潦咸賴之

卷之五 名宦

docsriver 文川网  
入驻商家 古籍书城

在文川网搜索古籍书城 获取更多电子书

著西溪湖賦併議重建明倫堂續修邑志嘗請立箕子廟  
於遼東祀董仲舒於廟廷皆有功名教者擢南臺御史命  
甫下而卒貧不能殮邑義士趙汝能營棺劉坦之捐山葬  
瑞象之原著有長林存稿祀名宦子家於虞

正統志參萬  
曆府志康熙

志

李睿字景明武平人至正間尹虞和易有守歲久旱方病  
目周視阡陌免其租稅上如白馬夏蓋三湖爲前尹林希  
元墾復林去而湖復廢睿力復之左目竟失明秩滿遭亂  
不歸卒葬於虞謝肅銘其墓

萬曆府  
縣志



韓諫字自行天台人至正申尹上虞廉聲甚著值兵興善處供億民不擾而用足時有以夏蓋湖獻長鎗軍者諫言於督軍郎中得寢勤開墾營均西溪湖田定四等賦民咸利之又建思想堂以造士

正統志萬  
歷府志

趙元齡字子年宛邱人尉上虞先是縣官收職米率三倍元齡獨無升勺過取士兵隸於有司者子視之秋毫無所擾邑人謂之曰縣尉不要錢只有趙子年

正統志兼  
萬歷志

陳子翬奉化人至正甲午掌教事行已端嚴誨人以規矩長於文詞會修邑志搜名宦鄉賢事實悉贊之

萬歷志